

*Samræmd starfsleyfisskilyrði vegna hollustuhátta, sbr. lög nr. 7/1998 um hollustuhætti og mengunarvarnir, með síðari breytingum*

## Starfsleyfisskilyrði fyrir tannlæknastofur

### 1 Almenn ákvæði og gildissvið

- 1.1 Starfsleyfið gildir aðeins í húsnæði sem tilgreint er í starfsleyfinu og hlotið hefur samþykki byggingarnefndar fyrir starfsemina.
- 1.2 Ef um annan starfsleyfisskyldan rekstur er að ræða samhliða gilda viðeigandi starfsleyfisskilyrði.
- 1.3 Aðgangur skal vera að neysluvatni, um gæði þess gilda ákvæði reglugerðar um neysluvatn.
- 1.4 Rekstraraðili ber ábyrgð á rekstri fyrirtækis að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfi. Ábyrgðin er gagnvart þjónustugegum, eigin heilsu og heilbrigðisyfirvöldum.

### 2 Húsnæði og búnaður

- 2.1 Húsnæði skal vera vel við haldið. Húsnæði skal vera aðskilið frá óskyldri starfsemi eða íbúð.
- 2.2 Húsakynni skulu vera rúmgóð, björt, hæfilega hituð og loftræst á fullnægjandi hátt.
- 2.3 Rými sem ætluð eru til tannviðgerða/aðgerða skulu vel aðgreind og þannig útbúin að ekki verði hætt á mengun á milli rýma.
- 2.4 Sérstök handlaug skal vera í tengslum við meðferðarrými. Við hana skal vera fljótandi sápa, einnota handþurrkur og gerileyðir.
- 2.5 Fullnægjandi búnaður þarf að vera fyrir hendi, svo sem borð og vaskar, sem sérstaklega er ætlað til þvotta og sótthreinsunar á áhöldum og vinnu með sterk efni.
- 2.6 Útbúnaður og aðstaða skal vera til dauðhreinsunar áhalda.
- 2.7 Læst og loftræst ræstiaðstaða með skolvaski skal vera til staðar í hverri rekstrareiningu. Þar skal vera nægilegt geymslurými fyrir ræstiahöld og efnavöru.
- 2.8 Staðsetja skal loftinntak fyrir loftpressu þannig að hún taki inn ferskt ómengað loft. Útblástur frá sogmótor skal staðsetja þannig að ekki valdi öðrum óþægindum eða skaða.
- 2.7 Greiður aðgangur skal vera að fullbúinni snyrtingu með sápulegi og einnota handþurrkum. Þar sem við á skal vera fullnægjandi aðskilnaður á snyrtiaðstöðu starfsfólks og viðskiptavina. Ruslafata með loki skal vera í hverju salernisrými.
- 2.10 Gólfblötur salernisrýmis skal vera minnst 1,2 m<sup>2</sup> og 3,3m<sup>2</sup> fyrir hreyfihamlaða og skulu loftræst með opnanlegum glugga eða vélrænni loftræsingu.
- 2.11 Hitastýrð blöndunartæki skulu vera í handlaugum, þannig að vatnshiti fari ekki yfir 43°C á töppunarstað..
- 2.12 Fatahengi og búningsaðstaða skal vera eftir því sem við á.

### 3 Hreinlæti og þrif

- 3.1 Húsnæði og öll aðstaða skal þrifin daglega eða oftár eftir þörfum. Hreinlætisáætlun skal vera skrifleg. Alsherjarhreingerningu skal gera minnst árlega.
- 3.2 Gólfefni og frágangur húsnæðis skal vera þannig að þrif séu auðveld. Óheimilt er að hafa teppi á gólfum meðferðarrýmis.
- 3.3 Loftræsikerfi skal hreinsa og þjónusta reglulega. Þjónustuhandbók eða samsvarandi leiðbeiningar fyrir loftræsikerfi skulu vera aðgengilegar fyrir eftirlitsaðila.
- 3.4 Reykingar eru bannaðar þar sem almenningur leitar aðgangs og þjónustu.
- 3.5 Ekki má hleypa hundum, köttum eða öðrum dýrum inn í húsnæðið.

### 4 Sóttgreinsun

- 4.1 Starfsmenn skulu ástunda fullnægjandi handþvott.
- 4.2 Ávallt skal hreinsa, sóttgreinsa og dauðgreinsa tæki og búnað eftir því sem við á með viðeigandi efnum og aðferðum. Aðstaða til almennrar greinsunar áhalda og dauðgreinsunar skal vera vel aðgreind.
- 4.3 Heilbrigðisnefnd getur gert kröfu um sérstaka áhaldapvottavél.
- 4.4 Viðhafa skal ýtrustu smitgát. Tæki og áhöld sem fara í vefi fólks skulu vera dauðgreinsuð.
- 4.5 Sóttgreinsa skal eins fljótt og auðið er menguð áhöld, ílát undir blandað sóttgreinsiefni skal vera með þéttu loki. Loftræsing skal vera góð þar sem notkun og blöndun efna fer fram.
- 4.6 Dauðgreinsibúnað skal yfirfara reglulega.
- 4.7 Dauðgreinsuð áhöld skal geyma í lokuðum umbúðum eða ílátum og haldið aðgreindum frá óhreinum áhöldum.
- 4.8 Fara skal eftir leiðbeiningum Landlæknisembættisins um greinsun, sóttgreinsun og dauðgreinsun áhalda eftir því sem við á.
- 4.9 Heilbrigðisnefnd getur gert kröfu í starfsleyfi um innra eftirlit í starfsemi þar sem smithætta er fyrir hendi eða sérstakra öryggisráðstafana er þörf.
- 4.10 Fyrir hvern viðskiptavin skal eftir því sem við á nota hreinar hlífar s.s. úr taui eða einnota pappírshlífar. Þvott skal þvo við a.m.k. 60°C.

### 5 Umhverfismál

- 5.1 Aðkoma og lóð skulu vera hrein og snyrtileg og uppfylla almenn öryggissjónarmið.
- 5.2 Viðurkenndan greinsibúnað skal nota til að hreinsa amalgam úr vatni áður en það berst í fráveitu, greinsibúnaðurinn uppfylli a.m.k þær kröfur sem koma fram í íslenskum staðli um amalgamskiljur.
- 5.3 Öllum amalgammenguðum úrgangi ber að skila inn til viðurkenndrar móttökustöðvar fyrir spilliefni. Sóttgreinsa ber amalgammengaðan úrgang áður en honum er skilað til móttökustöðvar.
- 5.4 Bannað er að hella *hættulegum efnum og spilliefnum* í niðurföll, ár, vötn eða sjó.
- 5.5 Leitast skal við að draga úr sorpmyndun og auka endurvinnslu úrgangs.

- 5.6 Spilliefnum þ.m.t. amalgam, framköllunarefni, festiböð, lyfjaafgangar, nálar og oddhvas úrgangur skal safnað, þau geymd og flutt í þar til gerðum umbúðum til viðurkenndra móttökustöðva. Kvittanir fyrir skilum skulu aðgengilegar eftirlitsaðilum og geyma í a.m.k. fjögur ár.
- 5.7 Sóttmengaður úrgangur sem búið er að dauðhreinsa flokkast sem almennt sorp.
- 5.8 Gera skal ráð fyrir kældri og læstri sorpgeymslu fyrir sóttmengaðan úrgang og spilliefni eftir því sem við á.
- 5.9 Lyf og hættuleg efni skulu geymd í læstum hirslum. Efnavara skal merkt á fullnægjandi hátt. Öryggisleiðbeiningar fyrir hættuleg efni skulu vera aðgengilegar.
- 5.10 Leitast skal við að nota umhverfsvæn efni til þrifa o.þ.h. þar sem því verður við komið og forðast óþarfa notkun á efnavöru.
- 5.11 Fara skal að ákvæðum reglugerðar um fráveitur og skólp eftir því sem við á.

### **Starfsemin á sér stoð í eftirfarandi lögum og reglugerðum með síðari breytingum:**

Lög nr. 7/1998 um hollustuhætti og mengunarvarnir,  
reglugerð um hollustuhætti nr. 941/2002,  
reglugerð nr. 536/2001 um neysluvatn.  
byggingarreglugerð nr. 441/1998,  
lög nr. 55/2003 um meðhöndlun úrgangs,  
reglugerð nr. 236/1990 um flokkun og meðferð eiturefna, hættulegra efna og vörutegunda, sem innihalda slík efni.  
reglugerð nr. 798/1999 um fráveitur og skólp,  
reglugerð nr. 933/1999 um hávaða,  
reglugerð nr. 737/2003 um meðhöndlun úrgangs,  
reglugerð nr. 806/1999 um spilliefni,  
reglugerð nr. 860/2000 um amalgammengað vatn og amalgammengaðan úrgang frá tannlæknastofum.  
lög nr. 6/2002 um tóbaksvarnir,

**GREINARGERÐ MEÐ SAMRÆMDUM STARFSLEYFISSKILYRÐUM FYRIR**  
**ATVINNUGREIN**  
Atvinnugreinaflokkur xy-xz

**Helstu forsendur fyrir starfsleyfisskilyrðum þessum eru:**

- Til að tryggja hollustuhætti og heilnæmt umhverfi í samræmi við reglugerð um hollustuhætti
- Til að koma í veg fyrir óhöpp og slys á viðskiptavinum
- Til að tryggja að starfsmenn hafi ákveðna lágmarkspækingu
- Koma í veg fyrir vanbúnað í aðstöðu fyrir almenning.
- Hafa aðhald með þeim sem starfa í þjónustu við almenning.
- Tryggja að eftirlit og viðeigandi gögn séu til um starfsemina.
- Fyrirbyggja mengun og mengunarslys.

**Nánar um hvert ákvæði:**